



IBanga
lesi- **2**



Incwadi Enkulu yezindaba ezincane

ISIZULU



basic education

Department:
Basic Education
REPUBLIC OF SOUTH AFRICA

Incwadi yesi-

5



Isetshenziswa kanjani Incwadi Enkulu:

Izindaba ezikule ncwadi:



1 Ibhayisikili likaBheki elisha



2 Indaba kagogo

1

19

Njengothisha, kuzodingeka uzilungiselele ukwenza isifundo sokufunda ngokuhlanganyela nekilasi lakho. Ngokujwayelekile, uma kufundwa ngokuhlanganyela wena thisha usebenzisana nekilasi lonke; kanti uma lilikhulu kakhulu kudingeka ulehluwanise amaqembu amancane, noma-ke usebenze nengxene yalo. Kumele uqiniseke ukuthi abafundi bahlala benze isiyangi bayibone kahle Incwadi Enkulu ukuze bakwazi ukufunda kalula okubhalwe kuyo.

Encwadini Enkulu umfundu ufunda ukubamba incwadi, ukuyimisa kahle, kanye nokuphenya amakhasi ngenkathi kufundwa ngokuhlanganyela. Nendlela okufundwa ngayo umfundu uyaqequesheka ngayo, kuthuthuke ikhono lokulalela, lokukhuluma, lokufunda imibhalo, lokucabanga nelokubhala, njengoba kubalula iCAPS:

- Ukuthuthukisa ikhono lokulalela nokukhuluma.
- Ukuthuthukisa ikhono lokufunda kwabasaqala.
- Ukuphendula imibuzo emayelana nendaba.
- Ukuzibandakanya ezingxoxweni nalapho kukhulunya ngokudedelana.
- Ukudweba, ukulingisa indaba.
- Ukusebenzisa izithombe ukuqagela ukuthi indaba imayelana nani.
- Ukufunda ngokuhlanganyela ukuze kuthuthukiswe ukubhala ngokuhlanganyela.

Ukulungiselela ukufunda Incwadi Enkulu

- Qiniseka ukuthi bonke abafundi bayayibona incwadi. Uma ikilasi lakho lilikhulu, yakha iqembu elincane usebenze nalo.
- Kuzodingeka wenze uhlaka ozomisa ngalo incwadi ukuze uvike ukuhlala uyibambile ngenkathi kufundwa. (Bheka imiyalelo yokwenza uhlaka lokumisa incwadi ekhavni ngemuva.)
- Sebenzisa irula ukukhomba nokulandela amagama ngenkathi ufunda.
- Uma ufuna ukugqamisa amagama athile, sebenzisa amabhamuza enkulomo ukokelezele igama ngawo, noma usebenzise esikubiza 'ngephepha elinefasitela'. Ungakwenza lokhu ngokusika iphepha libe ngunxande, bese usika unxande phakathi nalo wakhe ngawo ifasitela, bese leli phepha ulibeka phezu kwamagama ukuze kugqame igama elilodwa ngesikhathi.

Ukufunda ngokuhlanganyela kokugala

Ingxene yokuqala kulesi sifundo ibheka kakhulu ukuthi abafundi bayakujabulela yini ukufunda 'nokubona' umbhalo okokuqala, lapho abafundi kudingeka khona bakhombise ukuzibandakanya ngamunye ngamunye.

- Phenya amakhasi endaba ezofundwa udlulise amehlo. Xoxa ngezithombe zayo.
- Cela abafundi baqagele ukuthi indaba imayelana nani ngokulandela izihlokwana kanye nezithombe.
- Yethula amagama alukhuni namasha ngaphambi kokuthi abafundi bayifunde indaba.
- Yenza amakhadi amagama uwasebenzise ukwethula ulwazimagama.
- Yifunde indaba usebenzisa izimo ezahlukahlukene zobuso uphinde uguquguqule izwi, ubuye ufunde ngokushesha. Sebenzisa izitho zomzimba kanye nezimo zobuso ngokuziguqla njalonjalo.
- Sebenzisa induku noma irula ukukhomba amagama ngenkathi uwafunda ukuze abafundi babone ukuthi ufunda kuphi, bakwazi ukunamathisela umsindo wezinhlamvu ngokufanele ekhasini. Lokhu kuzobasiza ukuthola ukuthi kufundwa kusukwe kwesokunxele kuyiwe kwesokudla, kanti kuqalwa phezulu kuyophunywa phansi.
- Sebenzisa lokhu ukwethula 'ulimi lwencwadi': amagama, imisho, ikhasi, umbhalo, isihloko, njll.
- Dedela abafundi bazibandakanye nendaba ngokuthola ithuba lokungenelela (njengokuthi badedelwe bamemeze uma mhlawumbe kuthiwa "Gijima, gijima, gijima kakhulu, ngeke uze ungibambe kodwa mina – ngiyindoda eyisinkwa sezimanga!") uma kukhona lokhu embhalweni ofundwayo.
- Kumele kufundwe indaba efanayo izikhathi ezimbili noma ezintathu ukunikeza abafundi ithuba lokuqonda amagama angaba yidlanzana, ukulingisa izinto ezenzeka endaben'i noma ukuphinda baxoxe izingxene zendaba bazethule ngawabo amazwi.

Ukufunda ngokuhlanganyela kwesibili

- Lapho sekufundwa okwesibili kudingeka kusetshenziswe umbhalo ofanayo, bese kubhekwa kakhulu ukuzibandakanya kwabafundi ngokuthi uthisha axoxisane nabo ngenhlosi yokuthuthukisa ulwazimagama, ukuqonda izakhiwo zamagama (ulimi, ukusetshenziswa kwezimpawu, njll).
- Kukuwe thisha ukuthi ubheke kakhulu izinto ezifana: nokuma kwemibhalo, ukwakheka kwemibhalo, imisindo, ulimi, ukubona amagama athile kanye namazinga ahlukahlukene okuqonda imibhalo (ukuhleleka, ukuthi amagama aqonden'i, ukuwacwaninga kanye nokubuza imibuzo ekhombisa ukulangazelela).

Ukufunda ngokuhlanganyela kwesithathu

- Uma sekufundwa okwesithathu, abafundi kumele bazifundele bona uqobo, baxoxe baphinde babhale imisebenzi yokwenziwa ngombhalo abawufundile.
- Uma kuvuma, Ukufunda Ngokuhlanganyela kumele kubambe iqhaza ekwenzeni ngcono. Ukubhala Ngokuhlanganyela, lapho uthisha ekhombisa khona ukuthi kubhalwa kanjani, abafundi babhale ngokwabo nabo ngenkathi uthisha elokhu ebahlola enza namanothi. Lokhu kukhulisa abafundi uma kufika isikhathi sokuzenzela ngokwabo imisebenzi ebhalwayo.

1

Ibhayisikili likaBheki elisha




Bonke abangani bakaBheki
babenamabhayisikili.

NoBheki wayefisa ukuba
nelakhe.

Wayebukela lapho abangani
bakhe begibele amabhayisikili
abo beya esikoleni.

"Oh bandla, nami ngifisa ukuba
nebhayisikili," kusho uBheki.





Kwathi lapho uBheki
eqeda iminyaka
eyisishiyagalombili, unina
noyise bamthengela
ibhayisikili elibomvu.

Kwakuyisipho sosuku
lwakhe lokuzalwa.

UBheki wajabula kakhulu.

"Bengihlale ngifuna
ukuba nebhayisikili. Manje
sengingagibela ngihambe
nabangani bami."





Wagxuma wakhwela
ebhayisikilini lakhe elisha,
kodwa wavele wawa.

Wazama futhi, laphinde
lamthela phansi, kodwa
akaphelanga amandla,
wayelokhu ezama.

UBheki wayengakwazi
ukugibela ibhayisikili.





Maye babo! Kodwa
ngizokwenzenjani?

Walidudula ibhayisikili
walingenisa ekamelweni lakhe.
Lama ngasembhedeni wakhe.
Zonke izinsuku wayelesula ukuze
licwebezele.

UBheki walibuka ibhayisikili.
“Sengathi ngabe nami ngiyakwazi
ukuligibela,” ecabanga. “Kumele
ngidale icebo.”




"Bheki, woza ugibele nathi," kumemeza abangani bakhe.

"Ngisesula ibhayisikili lami," kusho uBheki.

"Awuphumeli ngani phandle ugibele nabangani bakho?" kubuza umama kaBheki.

"Ngisalungisa ihutha yalo," kusho uBheki.




UBheki akazange atshele muntu
ngemfihlo yakhe. Wayengakwazi
ukugibela ibhayisikili.



Njalo ebusuku uBheki
wayeya engadini afike
azame ukugibela ibhayisikili
lakhe kungaboni muntu.

Kodwa uBheki bandla
wayelokhu ewa, waze
walimala waba nemihuzuko.





Ebusuku ngelinye ilanga
umngani wakhe uJane wambona
uBheki ezama ukugibela
ibhayisikili lakhe.

“Bheki!” ememeza,
“angikubambele ibhayisikili
ukuze wena ugibele.”





U Jane wabamba ibhayisikili wagijima
ngemva kukaBheki.

UBheki wawa kanye, wawa kabili,
akabe esawa.

"Angisawi manje, sengiyakwazi
ukugibela!" kumemeza uBheki.

Angisawi manje!
Sengiyakwazi ukugibela!



Ukushova kukaBheki
kwaya ngokushesha manje. uJane
wayegijima ngemva kwakhe.

Nanguya eqhubeka, nenja yakhe
uMhloshana elokhu egijima eduze kwakhe.

“Nakho-ke!” kumemeza uJane.

“Yebo!” kumemeza uBheki sekumnandi
ukugibela kunonyezi.

Ngakusasa uBheki wagibela nabangani
bakhe sebeya esikoleni. Wajabula
ngoba wayengalilahlanga ithemba.




Uma ungaphumeleli ekuqaleni, zama,
uzame, uzame futhi!

2

Indaba kagogo



Kungani sithi ugogo ubumba
izinkamba ezinhle?



Kudala, ngenkathi ngisemusha
ngingangani, ngangihlala nomama
nobaba emakhaya.



Sasinezinkomo nezimbuzi eziningi,
kodwa sasihlala kude nabangani bethu.

Ngangingadlali namuntu. Ngangiye
ngibone umama ebumba izinkamba.

Wayesebenzisa ubumba.

Wayebumba izinkamba ngezandla,
bese ezibeka

elangeni
ukuthi zome.

Ngelinye ilanga
wangifundisa
ukubumba olwami
ukhamba.


Ngokucophelela.
Ngaluphendula
ngaluphendula.




Ngase ngilubeka elangeni ukuthi lome.
Ngajabula kakhulu lapho sengikwazi
ukwenza ukhamba. Ngathi ngilele
ngalobo busuku, laqala ukuna izulu.
Ngavuka lungasekho ukhamba lwami.
Ngabona nje ngenhlabathi yomsele
wamanzi abomvu ugeleza uyoshona
esivandeni. Ngabuya ngamxoxela
umama ukuthi kwenzekeni.



Emva kwalokho, kwadingeke
ukuba ngibumbe olunye ukhamba.
Ngazama ngazama. Kwaqala lapho
ukuthi ngenze izinkamba ezinhle.



Uma ulokhu uzama ugcina
ngokuphumelela!



Siyakwamukela kulolu chungechunge IweZincwadi Ezinkulu. Incwadi Enkulu lena ingxene yezinewadi ezisohlwini olubizwa ngeRainbow Series, okukhona kuyo izincwadi zokusebenzela, isilulu sezindaba nezinkondlo, amaphosta kanye nezincwadi ezihlelwe ngamazinga ehlukahlukene. Sethemba ukuthi uzozithola zilusizo izindaba ezahlukahlukene ochungechungeni Iwalezi Zincwadi Ezinkulu eziyishiyagalombili ezibekelwe leli banga. Kulindeleke ukuthi abafundi bakho bakuthokozele ukufunda ngokuhlanganya. I-CAPS, Emabangeni Aphansi iphawula ukuthi kubalulekile Ukufunda Ngokuhlanganya ekufundiseni ukufundwa kwemibhalo. Ukufunda Ngokuhlanganya kuvame ukuthatha izinsuku ezimbili kuya kwezine esontweni ngalinye lapho umfundi ngamunye efunda khona umbhalo ofanayo. Izincwadi zokusebenzela, ndawonye nezincwadi ezihlelwe ngokwamazinga, kulungiselwe ukufezekisa yona le ngxene yokufta.

Nokho-ke, ukusebenzisa Incwadi Enkulu enamagama amakhulu lapho fundwa ngokuhlanganya, kuyindlela enhle kakkuhlu ngoba abafundi bakwzi ukubona amagama nezithombe, bakulandele ngenkathi ufunda, lokhu kwenzeke ngendlela efanayo nangenkathi izindaba zisaxoxwa. Kubalulekile ukuthi abafundi bahlale bakhe isiyangi bakokelezele Incwadi Enkulu, ukuze bawubone futhi bawufunde kahle umbhalo wayo. Amagama amakhulu akule ncwadi asiza ukuthi kufundeke kalula ngokuphumisela ukuze kuzwe abafundi abaningi ngesikhathi esisodwa esimeni esikhululekile nesejwayelekile.


Izincwadi ezinkulu kulolu chungechunge zethula kubafundi izindaba ezahlukahlukene, izinkondlo, imilolozelo kanye nemidalo okuhambisana nolwazi kanye nemibhalo enezithombe.

Umsebenzi wakho njengothisha ukwenza izindaba ziphile ngenkathi ufundela abafundi, zijabulise, zibe noggozi. Ukusebenzisa Izincwadi Ezinkulu kwenza ukufunda kuthokozelwe nguwe kanye nabafundi ngokufanayo. Sethemba ukuthi le ncwadi izokusiza kulothu.

Eminye imibono ngokufunda Incwadi Enkulu

- Sebenzisa ipulastiki ukwemboza Incwadi Enkulu. Kuyamsiza umfundi kanye nothisha lokhu ukuba abhale kukho.
- Bhala ngepeni elisuleka ngamanzi kulesi sembozo sepulastiki.
- Sebenzisa iphegi ukunamathisela ipulastiki encwadini enkulu.

ISBN 978-1-4315-2977-3



ISBN 978-1-4315-2977-3

THIS BOOK MAY NOT BE SOLD.



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay



Zenzele olwakho uhlaka lokumisa Incwadi Enkulu

Nakhu ozokudinga:

- Ikhadibhodi elinobubanzi obulingana nobeNcwadi Enkulu (594 mm) kanye nobude obuphindwe kathathu (1360 mm).
- Itheyiphu yokunamathisela
- Amaphegi amabili okunamathisela ikhadibhodi.

Sebenzisa itheyiphu yokunamathisela ukuhlanganisa izingcezu zekhadibhodi.

Goqa ikhadibhodi ulenze uhlaka bese ubamba iphansi lalo nengaphambili ukuhlanganise njengoba kukhonjiswe emdwebeni.

